



QVÆSTIO MEDICA,

CARDINALITIIS DISPVATIONIBVS
MANE DISCVTIENDA

IN SCHOLIS MEDICORVM,

die Iouis xvj. Martij.

M. NICOLAO HELIOT,
DOCTORE MEDICO, PRÆSIDE.

Est-ne Vinum Alimentorum optimum?

I.

TOro licèt vitæ nostræ decursu temperamentum corporis sic immu-
tetur, nobis vt viuis & videntibus subrepat illa mortis & interitûs
perniciës & intestina calamitas, quam nulla ars, nulla manus, nulla huma-
na industria possit effugere, sitque fatali quâdam necessitate sensim fenescendum; domestico huic malo tanto tamque graui benefica parens hominum Natura probè consuluit, cum alimentum veluti præsens quoddam remedium subministravit; & ne partium solidarum fluxa viuacitas, vel ab ortu, deficeret, in altricis fidem ac potestatem nos permisit, cuius est adjectum alimentum in corporis vniuersi substantiam conuertere, & eidem assimilare. Cum igitur trina corporis nostri substantia perpetuo fluore continenter & assidue dissipetur, quam præpropetè absumi & consensescere non sinunt alimenta, proprium nutricis facultatis munus erit non nihil substantiæ pro disperditâ refarcire quò spes vitæ subsit longioris; non est enim futura jugis & diuturna vitæ permansio, verùm ejusdem cita discessio vbi collabitur, vel impedita cessat œconomia tum spiritûs, tum nutriticûs, per quam hominum vita sustentatur. Cùmque alimentum totius substantiæ omnimodâ familiaritate in viuientis corporis substantiam conuertatur, per quam assimilatur & calorem auget, penes verò temperamentum partes ipsas afficiendo, earum temperiem immutat, medicamento sum mero, longè multumque præstabit, humidum sicco, virtus mole, suis vt cuique viuientium generi cibus peculiaris & proprius esse perhibeatur.

II.

ANTIQVVM & mirabile nutritionis opus summo naturæ munere ex accepto alimento perfici non fuit ambiguum; hoc enim illius est

rota materia in quam penitus incumbit; quam variè tractans expurgat, conuertit, propriisq; ductibus in omnes vel extremas corporis particulis diffundit. Cum autem salus sit hominis, vigere appetentiam, quâ deficiente languescit & periculo sit propior, alimentum quod cum voluptate sumitur, desiderio tractum in ventriculum reconditur patulâ expectatione rapientem; & dum animosè fruitur, mox illud concoquit, quod non ex æquo cibus euenit quos nulla sui dulcedo commendat, id alimentum optimè nutrit quod & suauissimum est, & idem facillimum ad concoquendum. Nec eam quam momentis omnibus substantiæ melioris iacturam facimus, resarcient elementa purâ, vel impura, metæora, metalla, aut vlla corpora quantumuis perfectè mista quæ semper & omni tempore vita destituerit, cum ad vitam salubrem & diurnam nullum præsidium suppetat alimento euchymo & eupepto conuenientius. Tua sit igitur cautio ne offeratur varium aut miscellum: Aduertimus hominibus alimento simplici vrentibus familiarem sanitatem, ægrescere autem inter eos qui saginam composurâ varietate patiuntur, cum id genus alimonie non magis copiâ quam varietate crudescat, adeò constat quàm facilius digestu sit vniformis alimonia, vt ei, cum infirma sit natura, sufficiat: Proindeque cibos perfectus Medicus eos omnes non probat, quos profunda heluonum ingluuius terrâ marique conquirendo vestigauit; hanc enim peragrantis gula, & in succos insuetos inquirentis industriam, atque has vndique vorum indagines cupidiarum maximâ detestatione dignas censet: dum enim magis ostentui & profusæ libidini quàm sui seruitur, syluarum secretum omne lustratur, & peregrina maria sollicitantur, fit vt etiam si sanitatem sumentium mediocritas obseruata non sauciet, ipse tamen luxus integris optimisq; moribus non mediocriter officiat.

I I I.

MORTALIVM vita modicis conclusa finibus, tot & tantis molestiarum tempestatibus fluctibusque iactata, nullâ vt curâ, nullâque solitudine non vrgeatur, supremi rerum Moderatoris indulgentiâ, ne intestinum ejus malum in dies ingrauesceret, præsertim cum cibo famæ, potione sitis, & medicamento morbus depellatur, alimentum in salutis humanæ subsidium fuit in promptu, & id quod omnium numeros vniciû impleret. Diuinus ille succus est, qui ex vuis viteis addæ & maturis exprimitur, singulari cujus beneficio vites integræ, salua & incolumis vita etiam in multos annos & vltra sæculum producitur. Nec tibi aqua hæreat, si parum firma vitæ nostræ fundamenta tam valenti tamque stabili sede fulcire tulerit animus: Vinum quo nullum in hac rerum vnueritate præstantius alimentum reperire est, adeò facilè tantæque celeritate in substantiam alito propriam & conuenientem transmutatur, vt ne minimum quidem negotium alendis partibus faceßat, nec modò laudabilem & sincerum succum præstet, verùm & mole sub exiguâ copiosum profundat. Flauum tamen memineris continere in se vim caloris maximam, rubrum

nullo negotio succum vitalem augere, nigrū vberiores, tardius et si peruat; fuluū verò maximè omnium & ad coctionem succique bonitatem aptissimū fore: facalbum ad exiguum temporis tum calefacere cum nutrire, substantiæ tamen tenuitate vinas & sudores mouet. Fragrans extemplò spiritus reparat, sed capiti bellum indicit: graueolens, spiritus & sanguinem inficit, inodorum suo ipsius indicio suam prodit imbecietatem. Dulcescitim & flatus excitat, bilem auget, aluum humectat, sputum promouet, cum thorace consentit; at grauis inimicitias gerit cum ipsis visceribus: austerum, ventriculo proderit, bilem sedabit, fluxiones colubebit, neque caput tentabit aut feriet; verumtamen nec euchymum esse, nec anadosin iuuarè comperies: vetustum amarescit, medium probato: tenue quamuis minùs alat, citò distribuitur atque diffunditur, & crassos humores incidit: oligotrophon, quia tenue, aquosum, imbecillum; febriculosis, à capite dolentibus aut neruis, nihil afferet detrimenti: generosum multum alit, verū caput fumorum copiā percellit. Cūque leuioris operæ sit impleri potu quàm cibo, fit vt fouendis spiritibus & sinceris humoribus refarciendis longo alui profluuiio vel aliâ quacumque ratione exhaustis, vinum ocyssimè succurrat.

I V.

LIBERALIS aliquando meri potio vigorem dabit, non vt mergat, sed vt deprimat; eluit enim curas & ab imo mentem mouet, & vt morbis quibusdam, ita tristitiæ & ægritudini medetur, Liberque non ob licentiam linguæ dictus est inuentor vini; sed quia liberat seruitio curatum animum, & asserit, vegetiorem & audaciorem in omnes conatus facit. At si quæsitissimam apud mensam, crebris & ingentibus poculis obrutam, & ferculis lasciuientem, odio penitens insito canini prandij omne ingenium ingurgitaueris, multumque bacchari nectaris vbi dies erit ad votum, & sponte curas dabitur componere, vel etiam jejuno gutture ingesseris, adeò vt vel leuissimè Recti Numinis te religio tangat, vinum etsi vita cardiaci & fomes esse dicatur, & incitabulum ingenij virtutisque; si mens hominis & corpus eo flagret, nihil errabis propterea, si diligentius attenderis ne sua in mentis arcem spicula contorqueat; haustum enim vberius si ne suo quidem authori pepercit, quid, quæso; de te futurum auguraris? non quòd modicis honestisque inter bibendum remissionibus rescit, integratque; animos ad instauranda sobrietatis officia negetus; verum quòd vix, ac ne vix quidē in acie virtutis Gratiarum contubernio mereat, aut animo consistat quem Lyæi salua plus æquo delinierit. Non pugnamus Aristoni adolescentem tristem hilari & amabili præferenti. Etsi fors tulerit vt dubia, nec adeò castigatis dapibus extructa mensa nos olim inuitarit ad pocula, cyathum à primo suffusâ lymphâ restinguimus; & amphorarios, tricongios, bicongios, & illaudatos illos perosi bibacissimos procul amouemus sedibusque nostris arcemus. Et licet quem seuerus & sæuus ille Dynastes ignotissimum quæsturæ candidatum nobilissimis anteposuit, ob epotam in conuiuio propinante se vini amphoram, execrati facinus indignum abdicemus, exigamus, diuamus; de dolio nihilominus nobis hauriendum aper-

4
tè vetamus, defusum in amphoras & cados imperamus & de meliore notâ,
nec panis & vinum probatur nobis à propalâ & de cupâ.

V.

HELVOLO vino, generoso, honorario, fragranti, consistenti, bi-
mo, horno, præliganeo & edentulo, madebis; non secundario, ciba-
rio, picante, marino, pendulo, villo, fugienti, dubio, vappâ, eructo vel
mucido; neccertet exoticum patrio, hispanum franco, gothicum burgundo,
aurelianum Donomarenfi, aut aliud vllum nostrate; sanorum iudiciorum
consensu ratum est Vina Francica, hoc est, vini Parisini omnibus bonitatis
numeris præcellere, tametsi halitu vt externa vertiginem non cieant & sint vt
vulgò fertur obtusiore mucrone, nec satis œnopolarum & gnathonum lin-
guas feruido & acuto gustu lancinent non modo quòd cæteris suauiora sint,
sed quòd etiam medio sint colore, consistentiâ & viribus, nec tantum cele-
riter & confertim succi bonitate coctionem iuuent, & partes omnes mirum in
modum reficiant, verumetiam ciborum distributionem promptam & expedi-
ditam efficiant. Et vt in singulis suus est sapor pro variâ cæli soliqui; naturâ &
vitiu cultu, aurelianum frigidis naturis & qui imbecilliori sunt ventriculo
mirè prodest; calidis verò & biliosis potissimùm; quibus jecur est calidius
obest, nec non iis omnibus quibus est caput imbecillum. Nec calculo nostro
fraudamus omninò mustum, mulsam, sâpam, pomaceum, pyraceum, cer-
uissiam, hydrofaccharum, hydromel, aromatiten, absinthiten, ptisanam,
poscam, si potissimùm cordi fuerit ille potus, consuetus aut imperatus, à Me-
dico. Ros tamen ille noster vitalis, maximè omnium potulentorum princi-
pem locum sibi meritò vendicat, cum moderatus ejus vsus omnibus con-
ueniat, nec modò calorem natiuum excitet, spiritus reparat, ventriculum
roboret, jacentem & prostratum ejus appetentiam suscitet, coctionem pro-
moueat, famem soluat, sitim restinguat, sanguinem vberem & optimum
sufficiat, vires augeat, extenuata membra reficiat & inculcata tueatur, senes
tegat & tuteur, viuudum floridumque colorem inducat, sæcunditatem pro-
curet, inimicum vitæ frigus corpore depellat, somnum conciliet, superfluos
humores absumat, obstructions aperiat, citatam aluum cohibeat, pigram
citet, dolores exhauriat & compescat, veneficos ac pestilentes quosuis in-
sultus effringat, verumetiam meticulosi audaciam injiciat, hebetes acuat, fe-
ros & immites humanitatis condimento mitiget, ciciret immanes, genis pal-
lorem, excludat & omnem animo metum eximat adè vt toto corpore mascu-
lus ardor eluceat, & radius in fronte virilis animi emicet, titulum jurè susti-
nebit, οχιδιον τριπος, οχιδιον ποτιν, & τὸ οχιδιον ἰμυρατος.

Est ergo Vinum Alimentorum optimum.

Proponebat Lutetiæ ANTONIVS MORAND Donomarenfis.
A. R. S. H. M. D. C. XLV.

acte th... 943^e du mois VI du
seuil in folio.